



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

**ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐ**

**Հ Ր Ա Մ Ա Ն**

«03» սեպտեմբեր 2007 թ.


№ 109-Ն/Ս

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐՈՒԹՅԱՆ «ԵՐԵՎԱՆԻ «ՄԱՆԿԱՆ ՏՈՒՆ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԿԱՆՈՆԱԿՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Համաձայն «Պետական ոչ առևտրային կազմակերպությունների մասին» Հայաստանի Հանրապետության օրենքի 11-րդ հոդվածի և Հայաստանի Հանրապետության կառավարության 2002թվականի հոկտեմբերի 31-ի N 1730 որոշման 4-րդ կետի, ինչպես նաև հաշվի առնելով, որ մանկատունն իրականացնում է նաև բժշկական օգնություն՝

**ՀՐԱՄԱՅՈՒՄԵՄ**


1. Հաստատել՝
  - ա) «Երևանի «Մանկան տուն» պետական ոչ առևտրային կազմակերպության կանոնադրությունը նոր խմբագրությամբ (կցվում է),
2. Ոժր կորցրած ճանաչել ՀՀ աշխատանքի և սոցիալական հարցերի նախարարի 2006 թվականի հունիսի 5-ի «Երևանի «Մանկան տուն» պետական ոչ առևտրային կազմակերպության կանոնադրությունը հաստատելու մասին N 99-Ա 1 հրամանը:
3. «Երևանի «Մանկան տուն» պետական ոչ առևտրային կազմակերպության տնօրեն Լ. Կարապետյանին՝
4. Էռօրյա ժամկետում «Երևանի «Մանկան տուն» պետական ոչ առևտրային կազմակերպության կանոնադրությունը սահմանված կարգով ներկայացնել պետական գրանցման:



ԱՎԱՐԳԱՆՆԱՆ

«ՀԱՍՏԱՏՎԱԾ Է»  
Հայաստանի Հանրապետության  
աշխատանքի և սոցիալական հարցերի  
նախարարի

թիվ ----- հրամանով



Կազմված է «-----» «-----» 2007թ.

թիվ ----- հրամանի հիման վրա և  
քաղկացած է ----- էջից

Տպագրված է ընդամենը----- օրինակ  
օրինակ N

Գրանցված է

Հայաստանի Հանրապետության  
իրավաբանական անձանց  
պետական ռեգիստրի Նորք-Մարաշի  
տարածքային բաժնի

կողմից «03» մարտ 2003թ.

գրանցման թիվ 27321003448

վկայական 03 Ա 059471

թիվ -----փոփոխությունը

գրանցված է իրավաբանական

անձանց պետական ռեգիստրի

Նորք-Մարաշի տարածքային բաժնի

կողմից

«-----» ----- 2007թ.

Նորք-Մարաշի Տ/Բ պետ

-----Ս. Գևորգյան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇՋԱՏԱՆՔԻ ԵՎ  
ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐՈՒԹՅԱՆ  
«ԵՐԵՎԱՆԻ «ՍԱՆԿԱՆ ՏՈՒՆ» ՊԵՏԱԿԱՆ ՈՉ ԱՌԵՎՏՐԱՅԻՆ  
ԿԱԶՄԱԿԵՐՊՈՒԹՅԱՆ

**ԿԱՆՈՆԱԴՐՈՒԹՅՈՒՆ**

(նոր խմբագրությունը)

## I. Ընդհանուր դրույթներ

1. Հայաստանի Հանրապետության աշխատանքի և սոցիալական հարցերի նախարարության «Երևանի «Մանկան տուն» պետական ոչ առևտրային կազմակերպությունը, (այսուհետ՝ մանկատուն) շահույթ ստանալու նպատակ չհետապնդող իրավաբանական անձի կարգավիճակ ունեցող, բժշկասոցիալական բնույթի մանկական խնամակալական պետական ոչ առևտրային կազմակերպություն է:
2. Մանկատունը ստեղծվել է Հայաստանի Հանրապետության սոցիալական ապահովության նախարարության «Երևանի «Մանկան տուն» պետական ոչ առևտրային կազմակերպությունը վերակազմավորման միջոցով և հանդիսանում է վերջինիս իրավահաջորդը:
3. Մանկատան գործունեությունը կարգավորվում է Հայաստանի Հանրապետության Քաղաքացիական օրենսգրքով, «Պետական ոչ առևտրային կազմակերպությունների մասին» Հայաստանի Հանրապետության օրենքով, իրավական այլ ակտերով, սույն կանոնադրությամբ:
4. Մանկատունը ստեղծված է համարվում օրենքով սահմանված կարգով պետական գրանցման պահից:
5. Մանկատան գործունեությունը ֆինանսավորվում է Հայաստանի Հանրապետության պետական բյուջեից, Հայաստանի Հանրապետության և օտարերկրյա պետությունների կազմակերպությունների և ֆիզիկական անձանց նվիրատվություններից, բարեգործական նպատակներով տրամադրվող միջոցներից, իր կողմից իրականացվող ձեռնարկատիրական գործունեությունից և օրենքով չարգելված այլ գործունեությամբ ստեղծված միջոցներից:
6. Մանկատունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով:  
Մանկատունը կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:
7. Մանկատունը այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:
8. Հիմնադիրը պատասխանատու չէ իր ստեղծած մանկատան պարտավորությունների, իսկ մանկատունը իր հիմնադրի պարտավորությունների համար:
9. Մանկատունն ունի Հայաստանի Հանրապետության պետական զինանշանի պատկերով և իր անվամբ կլոր կնիք ու դրոշմակնիք, ինչպես նաև ձևաթղթեր:
10. Մանկատունն ունի ինքնուրույն հաշվեկշիռ, հաշվարկային հաշիվ բանկերում՝ Հայաստանի Հանրապետության արժույթով և արտարժույթով:
11. Մանկատան գտնվելու վայրն է Հայաստանի Հանրապետություն, ք. Երևան-47, Արմենակ Արմենակյան 119
12. Կազմակերպության անվանումն է՝

հայերեն լրիվ՝ Հայաստանի Հանրապետության աշխատանքի և սոցիալական հարցերի նախարարության «Երևանի «Մանկան տուն» պետական ոչ առևտրային կազմակերպություն,

հայերեն կրճատ՝ ՀՀԱՍՀՆՆԵՄՏՊՈԱԿ

ռուսերեն՝ «Дом ребенка города Еревана Государственная не коммерческая организация Министерства труда и социальных вопросов Республики Армения»

ռուսերեն կրճատ՝ ДРГЕГНКОМТЦВРА

անգլերեն՝ «Children's home of Yerevan » State non Commercial Company.

անգլերեն կրճատ՝ CHYSNCC:

## II. Մանկատան գործունեության նպատակը և առարկան

13. Մանկատան հիմնական նպատակն առանց ծնողական խնամքի մնացած երեխաների շուրջօրյա խնամքի ապահովումն է:

14. Մանկատան գործունեության առարկան մանկատանը խնամվող՝ մինչև 6 տարեկան երեխաների իրավունքների և օրինական շահերի պաշտպանությունը, սոցիալ-հոգեբանական, բժշկական վերականգնման աշխատանքների իրականացումը, սննդով, հագուստով և այլ կենցաղային անհրաժեշտ իրերով ապահովումը, խնամքի և դաստիարակության ապահովումը, ուսուցման և բժշկական օգնության կազմակերպումը, նրանց՝ խնամքի այլ հաստատություններ տեղափոխումն է:

15. Մանկատունն իրականացնում է հետևյալ գործառնությունները

ա) կազմակերպում է երեխաների ընդունելությունը,

բ) աջակցում է նրանց հարմարվելու նոր սոցիալական միջավայրին,

գ) կազմակերպում է սաների կենցաղային սպասարկումը, ապահովում է նրանց համապատասխան խմբասենյակներով, անկողնային պարագաներով, հագուստով, կոշիկեղենով,

դ) ապահովում է համապատասխան սննդով՝ ելնելով երեխայի տարիքից և առողջական վիճակից,

ե) իրականացնում է բժիշկական օգնություն և սպասարկում,

զ) նախապատրաստում է որդեգրման կամ խնամակալության հանձնվող երեխաների փաստաթղթերը,

է) իրականացնում է երեխա որդեգրել ցանկացող քաղաքացիների ծանոթացումը որդեգրման ենթակա երեխաների հետ օրենսդրությամբ սահմանված կարգով,

ը) կազմակերպում է երեխաների ամառային հանգիստը:

թ) կազմակերպում է 6 տարին լրացած երեխաների տեղափոխումը այլ մանկական խնամակալական կազմակերպություններ,

ժ) անցկացնում է սանհիգիենիկ, հակահամաճարակային միջոցառումներ,

ժա) կազմակերպում է աշխատանքներ՝ ուղղված անձնակազմի որակավորման բարձրացմանը և աշխատանքների կատարելագործմանը,

ժբ) ապահովում է սաների սեփականություն հանդիսացող գույքը Հայաստանի Հանրապետության օրենսդրությամբ սահմանված կարգով:

16. Մանկատունը գտնվում է հատուկ կառուցված շենքում, որը համապատասխանում է սանիտար-հիգիենիկ, հակահրդեհային և անվտանգության պահանջներին և ունի երեխաների կյանքի և կենցաղի համար անհրաժեշտ բարեկարգ պայմաններ:

17. Մանկատունը իրականացնում է ձեռնարկատիրական գործունեության հետևյալ տեսակները՝ երեխաներ ունեցող ընտանիքներին սոցիալ-հոգեբանական խորհրդատվության տրամադրում, երեխաների խնամքի ու դաստիարակության վճարովի ծառայությունների մատուցում:

18. Մանկատունը կարող է ունենալ հիմնարկներ, ներկայացուցչություններ կամ մասնաճյուղեր, որոնք ստեղծվում են հիմնադրի որոշմամբ:

## VI. Մանկատան կառավարումը

19. Մանկատան ընդհանուր կառավարումն իրականացնում է հիմնադրի կողմից լիազորված պետական մարմինը (այսուհետ՝ լիազորված պետական մարմինը):

20. Լիազորված պետական մարմինը՝

ա) ապահովում է մանկատան բնականոն գործունեությունը և պատասխանատվություն է կրում դրա չկատարման կամ ոչ պատշաճ կատարման համար,

բ) հաստատում է մանկատան եկամուտների և ծախսերի տարեկան նախահաշիվը,

գ) սույն կանոնադրությամբ սահմանված կարգով մանկատան տնօրենի ներկայացմամբ հաստատում է մանկատան կառուցվածքը և աշխատողների թիվը,

դ) իրականացնում է մանկատան գործունեության նկատմամբ վերահսկողություն,

ե) կասեցնում կամ ուժը կորցրած է ճանաչում մանկատան տնօրենի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները,

զ) լսում է մանկատան գործունեության մասին հաշվետվությունները, քննում է նրա գործունեության վերստուգման արդյունքները, հաստատում մանկատան տարեկան հաշվետվությունները և տարեկան հաշվեկշիռը,

է) վերահսկողություն է իրականացնում մանկատան ամրացված պետական սեփականության օգտագործման ու պահպանման նկատմամբ,

ը) վերահսկողություն է իրականացնում մանկատան սեփականության պահպանության նկատմամբ, համաձայնություն է տալիս մանկատան գույքի օգտագործման կամ վարձակալության հանձնման համար,

թ) իրականացնում է «Պետական ոչ առևտրային կազմակերպությունների մասին» Հայաստանի Հանրապետության օրենքով, հիմնադրի որոշումներով և սույն կանոնադրությամբ նախատեսված այլ գործառույթներ:

21. Մանկատան ընթացիկ գործունեության ղեկավարումն իրականացվում «Պետական ոչ առևտրային կազմակերպությունների մասին» Հայաստանի Հանրապետության օրենքով սահմանված կարգով:

Տնօրենը պետք է ունենա բարձրագույն բժշկական կրթություն:

Տնօրենի հետ կնքվում է պայմանագիր, որը հիմնադրի անունից ստորագրում է լիազորված պետական կառավարման մարմնի ղեկավահո: Պայմանագրով սահմանվում են տնօրենի պարտավորությունները, պատասխանատվությունը և փոխհարաբերությունները լիազորված պետական մարմնի հետ, նրա աշխատանքի վարձատրության պայմանները, պայմանագրի դադարեցման օրենքով նախատեսված բոլոր հիմքերը և այլ դրույթներ, որոնք անհրաժեշտ կգտնեն պայմանավորվող կողմերը: Պայմանագրի դրույթները չեն կարող հակասել Հայաստանի Հանրապետության աշխատանքային օրենսդրության պահանջներին՝ բացառությամբ օրենքով նախատեսված դեպքերի:

22. Տնօրենը կրում է պատասխանատվություն օրենքների, այլ իրավական ակտերի, հիմնադրի կամ լիազորված պետական մարմնի որոշումների, սույն կանոնադրության և կնքված պայմանագրերի պայմանները չկատարելու կամ ոչ պատշաճ կատարելու համար:

Մանկատան տնօրենը օրենսդրությամբ սահմանված կարգով հանդես է գալիս, որպես մանկատան երեխաների խնամակալ:

23. Տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստեղծագործական աշխատանքից:

24. Տնօրենը լրիվ գույքային պատասխանատվություն է կրում իր մեղքով մանկատանը և (կամ) պետությանը պատճառած վնասի համար: Նրա լիազորությունների դադարեցումը հիմք չէ պատճառած վնասը հատուցելու պարտականությունը չկատարելու համար:

25. Տնօրենը՝

ա) առանց լիազորագրի հանդես է գալիս մանկատան անունից, ներկայացնում է նրա շահերը և կնքում է պայմանագրեր,

բ) Հայաստանի Հանրապետության օրենսդրությամբ, հիմնադրի և լիազորված պետական մարմնի որոշումներով և սույն կանոնադրությամբ սահմանված կարգով տնօրինում է մանկատան գույքը, այդ թվում ֆինանսական միջոցները,

գ) տալիս է մանկատան անունից հանդես գալու լիազորագրեր, այդ թվում՝ վերալիազորման իրավունքով լիազորագրեր,

դ) աշխատանքի է նշանակում և աշխատանքից ազատում մանկատան աշխատակիցներին, նրանց նկատմամբ կիրառում է խրախուսման միջոցներ և նշանակում կարգապահական տույժեր,

ե) բանկետում բացում է հաշվարկային հաշիվներ,

զ) կատարում է աշխատանքի բաշխում իր տեղակալների միջև,

է) լիազորված պետական մարմնի հաստատմանն է ներկայացնում մանկատան կառուցվածքը, աշխատողների թիվը, ներքին կարգապահական և այլ կանոնները,

ը) օրենքով և սույն կանոնադրությամբ սահմանված կարգով իր լիազորությունների սահմաններում արձակում է հրամաններ, տալիս կատարման համար պարտադիր ցուցումներ և վերահսկում դրանց կատարումը,

թ) իրականացնում է Հայաստանի Հանրապետության օրենսդրությանը չհակասող այլ լիազորություններ,

ժ) սահմանված կարգով լիազորված պետական մարմին է ներկայացնում մանկատան եկամուտների և ծախսերի տարեկան նախահաշիվը,

ժբ) հաստատում է ձեռնարկատիրական գործունեության եկամուտների և ծախսերի նախահաշիվը,

ժգ) իրականացնում է Հայաստանի Հանրապետության օրենսդրությանը չհակասող այլ լիազորություններ:

ժդ) Տնօրենը հաստատում է մանկավարժական խորհրդի կազմը:

26. Տնօրենը պարտավոր է չկատարել հիմնադրի և լիազորված պետական մարմնի՝ Հայաստանի Հանրապետության օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չի կարող ենթարկվել պատասխանատվության:

27. Տնօրենի բացակայության ժամանակ, նրա հրամանով, տնօրենի լիազորություններն իրականացնում է տնօրենի տեղակալը:

28. Երեխաների խնամքի, բժշկա-սոցիալական, սոցիալ-հոգեբանական վերականգնման, դաստիարակչական հարցերը քննարկելու և լուծելու նպատակով ստեղծվում է սոցիալ-մանկավարժական խորհուրդ (այսուհետ՝ խորհուրդ):

29. Խորհրդի կազմում ընդգրկվում են տնօրենը, բժշկական բաժանմունքի վարիչը, ավագ մանկավարժը, ռեաբիլիտոլոգը, տնտեսական հարցերով տնօրենի տեղակալը և այլ մասնագետներ, լիազորված պետական մարմնի ներկայացուցիչը:

30. Խորհուրդը կազմված է 11 անդամներից:

31. Խորհրդի նախագահն ընտրվում է խորհրդի անդամներից:

32. Խորհրդի նիստերը գումարվում են եռամսյակը մեկ անգամ և ըստ անհրաժեշտության:

33. Խորհուրդն իրականացնում է հետևյալ գործառույթները.

ա) քննարկում և հաստատում է մանկատան աշխատանքային պլանը, բուժայրոֆիլակտիկ ծրագրերը, ուսումնադաստիարակչական աշխատանքների ծրագրերը,

բ) քննարկում է դաստիարակչական խմբերի և բաժանմունքների աշխատանքների կազմակերպման հարցերը,

գ) քննարկում է դաստիարակների, բժշկական անձնակազմի և այլ աշխատողների աշխատանքային գործունեությունը,

դ) քննարկում է երեխաների խնամքի և սպասարկման նոր ձևերի ներդրման նպատակահարմարությունը:

34. Խորհրդի գործունեության կարգը սահմանվում է խորհրդի կանոնադրությամբ:

35. Մանկատան աշխատողների իրավունքները և պարտականությունները սահմանվում են Հայաստանի Հանրապետության օրենսդրությամբ, սույն կանոնադրությամբ, կոլեկտիվ պայմանագրով, մանկատան ընդհանուր և առանձին ստորաբաժանումների, աշխատանքային ներքին կանոնակարգերով և այլ իրավական ակտերով:

### III. Մանկատան սեփականությունը

36. Մանկատան սեփականությունը ձևավորվում է կազմակերպության հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև մանկատան գործունեության ընթացքում արտադրված ու ձեռք բերված գույքից:

Մանկատան գույքի ձևավորման աղբյուր կարող են հանդիսանալ նաև Հայաստանի Հանրապետության ու օտարերկրյա պետությունների իրավաբանական և ֆիզիկական անձանց կատարած ներդրումները, այդ թվում բարեգործական, նպատակային հատկացումներն ու նվիրատվությունները, կտակած գույքը:

37. Մանկատունն իրավունք ունի օրենքին, հիմնադրի որոշումներին և (կամ) սույն կանոնադրությանը համապատասխան՝ իր հայեցողությամբ ափրապետել, տնօրինել և օգտագործել սեփականության իրավունքով իրեն պատկանող գույքն ու ֆինանսական միջոցները:

38. Մանկատանը սեփականության իրավունքով պատկանող գույքի նկատմամբ հիմնադիրը չունի իրավունքներ, բացառությամբ մանկատան լուծարումից հետո մնացած գույքի:

39. Մանկատան սեփականության պահպանման հոգսը կրում է մանկատունը:

40. Մանկատան սեփականության վրա կարող է բռնագանձում տարածվել միայն դատական կարգով:

#### **IV. Մանկատան ամրացված գույքը**

41. Հիմնադրի որոշմամբ մանկատանն անժամկետ ու անհատույց օգտագործման իրավունքով կարող է ամրացվել ցանկացած գույք:

42. Հիմնադիրն իրավունք ունի հետ վերցնել իր կողմից մանկատան ամրացված գույքը:

43. Մանկատունն իրավունք չունի ամրացված գույքը կամ դրա նկատմամբ իր իրավունքներն օտարել, գրավ դնել, հանձնել անհատույց օգտագործման:

Մանկատունն իրավունք ունի իրեն ամրացված գույքը պետության անունից հանձնել վարձակալության, եթե դա արգելված չէ հիմնադրի որոշմամբ: Ամրացված գույքի օգտագործման արդյունքում մանկատան ստացած եկամուտները մանկատան սեփականությունն են:

44. Հիմնադրի կողմից մանկատան ամրացված անշարժ գույքի կամ պետական պարտադիր գրանցման ենթակա գույքի նկատմամբ մանկատան օգտագործման իրավունքը ծագում է դրանց նկատմամբ իրավունքի պետական գրանցման պահից:

#### **V. Մանկատան ձեռնարկատիրական գործունեությունը**

45. Մանկատունն իր հիմնական գործունեությանը զուգընթաց ձեռնարկատիրական գործունեությամբ կարող է զբաղվել միայն օրենքով կամ հիմնադրի որոշմամբ ուղղակիորեն նախատեսված դեպքերում և գործունեության տեսակներով: Լիցենզավորման ենթակա գործունեության տեսակներով մանկատունը կարող է զբաղվել միայն լիցենզիայի հիման վրա:

46. Մանկատան գործունեության ընթացքում առաջացած շահույթն օգտագործում է սույն կանոնադրությամբ նախատեսված նպատակների իրականացման համար՝ հիմնադրի սահմանած կարգով:

47. Մանկատունն իր կարիքների համար գնումները կատարում է «Գ-նումների մասին» Հայաստանի Հնարապետության օրենքով սահմանված կարգով: Հայաստանի Հնարապետության պետական բյուջեով մանկատան համար ուղղակիորեն նախատեսված միջոցների սահմաններում մանկատան կողմից պետությանը մատուցվող ծառայությունների, աշխատանքների և ապրանքների գնումն իրականացվում է մեկ աղբյուրից գնումների կատարման ձևով: Մանկատան կողմից պետությանն այլ ծառայություններ, աշխատանքներ կարող են մատուցվել կամ ապրանքներ իրացվել միայն «Գ-նումների մասին» Հայաստանի Հնարապետության օրենքով սահմանված կարգով:



48. Մանկատան հարկերը, տուրքերը և պարտադիր այլ վճարումները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

#### **VII. Վերահսկողությունը մանկատան գործունեության նկատմամբ**

48. Մանկատան գործունեության նկատմամբ վերահսկողությունն իրականացնում են հիմնադիրը, լիազորված պետական մարմինը, ինչպես նաև օրենքով նախատեսված այլ պետական կառավարման մարմիններ:

49. Մանկատան գործունեության տարեկան ֆինանսական հաշվետվությունների հավաստիությունը ենթակա է վերստուգման (աուդիտի) լիազորված պետական մարմնի կողմից ընտրված անկախ աուդիտորական կազմակերպության կամ Հայաստանի Հանրապետության կառավարության ֆինանսական գործառույթ իրականացնող մարմնի կողմից:

#### **VIII. Մանկատան վերակազմակերպումը և լուծարումը**

50. Մանկատունը կարող է վերակազմակերպվել հիմնադրի որոշմամբ՝ Հայաստանի Հանրապետության քաղաքացիական օրենսգրքով սահմանված կարգով:

Մանկատունը դատական կարգով կարող է վերակազմակերպվել միայն օրենքով նախատեսված դեպքերում և կարգով:

51. Մանկատան լուծարմամբ նրա գործունեությունը դադարում է առանց իրավունքները և պարտականությունները իրավահաջորդության կարգով այլ անձանց անցնելու:

52. Մանկատունը կարող է լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով: Այն կարող է լուծարվել նաև սնանկության հետևանքով:

53. Մանկատունը դատական կարգով կարող է լուծարվել միայն օրենքով նախատեսված դեպքերում և կարգով:

55. Մանկատան լուծարման դեպքում նրա պարտատերերի պահանջների բավարարումից հետո մնացած գույքն ուղղվում է Հայաստանի Հանրապետության պետական բյուջե: